

CLEMENTIS VIII

BULLA ERECTIONIS COLLEGII CLEMENTINI

CLEMENS Episcopus Servus servorum Dei : Ad perpetuam rei memoriam. Ubi primum ad summi Apostolatus Apicem divina Clementia nullis nostris meritis, sed sola misericordiae suae dignatione nos evexit, Eminentiori animi Cura de morum tam Ecclesiasticorum, quam Saecularium personarum reformatione in Urbe nostra instituenda serio cogitare coepimus ; Dilectisque aliquot Romanae Curiae Praelatis morum gravitate rerumque usu, et experientia praeclaris, qui reformationi huiusmodi praessent, eos statim Scholas omnes Adolescentium et Puerorum dictae Urbis perlustrare, et quae in illis educandis, erudiendisque ratio ibi servaretur, quaeve disciplina adhiberetur, sedulo inquirere et ad nos deinde referre praecepimus. Ex quo sane non absque animi maerore deprehendimus, eam aetatem, quae ad vitia, et voluptates sequendas prona est, nisi severiori disciplina cohibeatur, et ad pietatem, et Religionem informetur, in Scholis ipsis sub laxa, immo vero dissoluta disciplina, seposito Domini timore corruptam, nihil ut plurimum, vel sane parum in bonis moribus, et litterariis exercitationibus proficere. Quamobrem illius statum intimo sensu condolentes decrevimus omnino in ipsa Urbe locum situ, et amplitudinem opportunum ad Puerorum, et Adolescentium Nobilium tam Indigenarum, quam exterorum quorumcumque receptione, et educationem primo quoque destinare, illisque spectatae pietatis et doctrinae, viros, qui nullo quaestu temporali, sed solo Dei obsequio, et animarum beneficio ducti pueros et adolescentes ipsos aequè in pietatis et Religionis studiis, ac scientiarum disciplinis erudirent, praeficere.

Et nobis attentius animo revolventibus quibus ea Provincia cum fructu, et utilitate praecipue demandari posset, occurrerunt peropportune Dilecti filii Clerici Regulares Congregationis Somaschae educationi Iuventutis ex professo, et peculiari instituto vacare soliti, multisque expertis documentis eos in pluribus Italiae Civitatibus et locis egregiam in eo munere operam multis iam annis, cum laude et publica commoditate impendisse, et praesertim in Civitate Venetiarum binis illius Puerorum Seminarijs, alteri videlicet Ecclesiastici in executione Concilii Tridentini, alteri vero Laici ordinis pia sollicitudine, et impensa Reipublicae Venetae erectis cum summo Iuventutis bono, et ipsius Congregationis commendatione praefuisse, et adhuc praesesse, illos idoneos iudicavimus, quos ad hoc onus grave et arduum assumeremus. Hincque primo inducti Institutionem, et foundationem dictae Congregationis sub anno Domini 1594.

Apostolica auctoritate approbavimus et confirmavimus, eamque amplis decretis et privilegijs ornavimus, deinde vero de anno eiusdem Domini 1595 dictis Praelatis, ut aedes in Urbe ad hoc nostrum caeptum capaces et opportunas sub pensione annua conducere ac Puerorum et Adolescentium in eis recipiendorum curam Clericis dictae Congregationis committere curarent, iniunximus, simulque summam mille scutorum monetae, ex quibus pensio huiusmodi solveretur, et aedes ipsae suppellectilibus ad domesticos usus necessarijs instituerentur ex Chirographo nostro donavimus fueruntque hoc pacto aedes eorum de Iacobijs in platea iam dictae Urbis sub pensione annua tercentorum et octoginta scutorum similium conductae ac in eis habitatio Clericorum et Puerorum praedictorum ad instar Collegii primum constituta. Verum crescente in dies inibi Convictorum numero necesse fuit etiam numerum Magistrorum, Praefectorum et famulorum augere, ob quod tum nec dictae Aedes eos amplius commode capere, nec solae pensiones mensuales ab eisdem Convictoribus pendi solitae ad graves sumptus tam pro eorum, ac Magistrorum et Praefectorum praedictorum sustentatione, quam pro dictarum Aedium locatione et alios diversimode iugiter subeundos sufficere possent. Nos Palatium de Pepulis nuncupatum in Platea Nicosiae ad flumen Tyberim iuxta suos fines situm et subhastationi ex decreto Curiae suppositum a Dilecto Filio Camerae nostrae Apostolicae Commissario Generali eiusdem Camerae nostrae pretio undecim mille scutorum similium via subhastationis huiusmodi emi, et deinde pro instituendo ibidem Collegio Clementino nuncupando pro usu, et habitatione scholarium et Convictorum in eo introducendorum per Dilectum Filium nostrum Paulum Aemilium tituli Sancti Marcelli, tunc pro Dilecto et Filio nostro Petro Sancti Nicolai in Carcere Diacono Cardinali Aldobrandino nuncupato S. R. E. Camerario, et nostro secundum carnem ex fratre Nepote, qui sedis Apostolicae de latere Legati munere in Regno Franciae pro gravissimo componendae inter Principes Christianos pacis negotio detinebatur, eiusdem S. R. E. Vice Camerario nostro simili chirographo ex perpetuo et irrevocabiliter donari iussimus, et seu donavimus, prout in nostris super confirmatione huiusmodi confectis litteris, ac ipso Chirographo, et publico donationis huiusmodi instrumento plenius continetur inde sublata aliquantulum ipsius Collegii angustia, compositoque illius statu in meliorem statum, et numerus Convictorum ibi dietim augeri conspectus, et res dicti Collegii facilius et prosperius magna animi nostri delectatione progredi visa fuit. Quapropter non obscuris argumentis Deum Optimum Maximum huic nostrae qualiscumque est instituendae Juventutis sollicitudini favere, et caeptis nostris adesse deprehendentes, ipsi uni operi sedulo nobis institendum, et ut quanto citius perficiatur indefesso studio elaborandum, illisque de opportunis reddituum et Proventuum annuorum subsidijs, quibus eius quotidiana onera facilius perferri possint, providendum esse existimavimus fore confidentes, ut qui nobis in eo suscipiendo, promovendoque auctor, factorque existit idem in eo perficiendo conservandoque propitius adiutor esse debeat. Nos igitur dudum inter alia volumus, statuimus et ordinavimus quod semper in unionibus commissio fieret ad partes, vocatis quorum interest omnium, et singulorum Chirographorum, instrumentorum praedictorum, ac earum singulis publice, vel privatim aut alijs quomodolibet confectarum, et emanatorum, ac in eis contentorum, et inde secutorum quorumcunque tenore, ac Palatij huiusmodi veriores situationes, confines, vocabula, denominationes, qualitates, circumstantias, quantitates et veros, etiam annuos valores praesentibus pro expressis habentes, denominationes praedictas, et instrumenta desuper confecta, et omnia in eis contenta perpetuo approbantes et confirmantes, rataque grata, et accepta habentes, et qua-

tenus opus sit, innovantes, omnesque, et singulos juris, et facti, et solemnitatum quantumvis substantialium, aliosque defectus, si qui intervenerint in eisdem etiamsi tales sint vel fuerint qui in generali sermone non comprehendantur, sed nota, et expressione indigeant supplementes ac singulares personas Congregationis huiusmodi a quibusvis ex communicationibus censentes motu proprio non ad alicuius desuper nobis allatae petitionis instantiam, sed de certa scientia meraque deliberatione nostris ac de Apostolicae potestatis plenitudine in Aedibus dicti Palatii unum Collegium Clementinum nuncupandum cum Cappella, Oratorio, Refectorio, mensa communi, sigillo, Bibliotheca, Archivio, Caeterisque Collegialibus insigniis, ac membris et officinis necessariis pro perpetuis receptione, usu, et habitatione quorumcumque Puerorum et Adolescentium Nobilium, seu de Nobili genere procreatorum tam ex Urbe et tota reliqua Italia quam Coeteris quibuscumque Christiani Orbis Regionibus et Provinciis Oriundorum, inibi propriis eorum expensis soluta quolibet mense, aut aliqua alia pro temporum qualitate competenti pensione educandorum sub perpetuis cura, disciplina, gubernio, regimine et administratione dictorum Clericorum, et aliorum quorumcunque Saecularium, vel Regularium per Protectorem ipsius Collegij pro tempore existentem pro libero, et absoluto ipsius voluntatis arbitrio ponendorum, et amovendorum, ut Collegiales eiusdem Collegij nostrum solum in bonis moribus, et pietatis, Christianae studiis instituere, sed et Grammaticam, Rhetoricam Logicam, Physicamque aliasque humaniores, et liberales disciplinas docere teneantur, dicta auctoritate tenore praesentium perpetuo erigimus, et instituimus, illique sic erecto, et instituto pro perpetuis eiusdem Collegii, Rectoris, et Collegialium suorum pro tempore existentium residentia, usu, et habitatione dictum Palatium, cum omnibus, et singulis illius aedificiis, structuris, situ, ambitu, juribus, pertinentiis, et dependentiis quibuscumque ultra mille scuta ad emptionem suppellectilium a Nobis ut praefertur, donata seu ipsa suppellectilia, et alia mobilia quaecumque ex eis empta, et quoad ipsum Palatium sub omnibus et singulis decretis, declarationibus, subrogationibus, obligationibus, pactis, conditionibus, firmitatibus, cautelis, et clausulis et aliis in Chirographo, et instrumento huiusmodi consentis, et appositis, et aliis desuper necessariis et opportunis de novo pro potiori cautela, auctoritate et tenore praemissis etiam perpetuo et irrevocabiler donamus, et concedimus.

Praeterea eidem Collegio pro congrua et competenti eius dote, seu dotis subsidio, onerumque illi incumbentium faciliiori et commodiori supportatione Monasterium Sancti Angeli de Lamulis Sancti Benedicti, seu alterius Ordinis nullius dioecesis Provinciae Urbinatensis, quod bonae memoriae Hieronymus tituli S. Pancratii presbyter Cardinalis Matheius nuncupatus in Commendam ad sui vitam ex Concessione et dispositione Apostolica dum viveret obtinebat, et quod conventu caret, cuiusque et illi forsannexus fructus, redditus, et proventus tercentorum ducatorum aureorum de Camera sec. com. est va. an. ut accepimus, non excedunt, Commenda ipsa per obitum dicti Hieronymi Cardinalis nuper apud Sedem Apostolicam defuncti cessante adhuc eo quo ante Commendam ipsam vacabat, vel alias quovis modo ex cuiuscumque persona, seu per liberam cessionem cuiusvis de illius Regimine et administratione in Romana Curia vel extra eam etiam coram Notario publico et testibus sponte facta vacans, etiamsi tanto tempore vacaverit, quod eius provisio iuxta Lateranensis statuta Concilij, aut alias Canonicas sanctiones ad Sedem praedictam legitime devoluta existat, illaque ex quavis causa ad Sedem eandem specialiter, vel generaliter pertineat, ac de illa concistorialiter disponi consueverit, seu debeat super eo quoque, ac Regimine et administratione inter aliquos illarum

possessores, vel quasi molestia cuius litis statum verum quoque, et ultimum dicti Monasterij vacationis modum etiamsi ex illo quaevis et generalis reservatio etiam in corpore juris clam resultet, praesentibus haberi volumus pro expresso, pendeat indecisa dummodo tempore datum praesentium eidem Monasterio de Abbate provisum, aut illud altero commendatum canonice non existat, cum annexis huiusmodi, nec non Ecclesiam Sancti Caesarei de Urbe in via ad Portam Appiam Sancti Sebastiani nuncupatam tendente sitam, quam nuper in suis structuris et aedificijs vetustate consumptis et ruinam minantibus sumptu nostro instauratam, ornatamque, ac quae dilecto filio nostro Silvestro eiusdem Sancti Caesarei Diacono Cardinali nostro secundum carnem Pronepoti pro denominatione sui Cardinalatus concessa extitit, cum omnibus et singulis suis aedificijs, Domibus, Aedibus, Bonis, Proprietatibus, Villis, Terris, Agris, Possessionibus, Fundis, Pratis, Pascuis, Silvis, Cortis, Fructibus, Redditibus, Proventibus, Iuribus, Obventibus, Emolumentis, Iurisdictionibus, membris, annexis, pertinentiis et dependentiis suis universis, quibusvis rebus consistentibus, et undecumque provenientibus.

Vineam quoque dictae Ecclesiae Sancti Caesarei contiguam, et in via praedicta iuxta alios suos veriores confines sitam, ac per Nos etiam nuper a Dilectis filiis haeredibus Camilli Crescentii Civis Romani dum vixit pretio bis mille et quingentorum scutorum emptam, eadem auctoritate, et tenore unius annectimus, incorporamus, applicamus, assignamus, ita quod liceat Rectori et Collegialibus dicti Collegij, nunc et pro tempore existentibus Corporalem, realem et actuaalem illorum omnium et singulorum possessionem per se, vel alium, seu alios eorum ac dicti Collegij nominibus propria auctoritate etiam, absque Iudicis mandato, vel decreto, ac solemnitate spoliij, et attentatorum vitio ex nunc apprehendere, et apprehensam perpetuo retinere, fructus quoque, redditus, proventus, jura, obventiones, et emolumenta ex eis provenientia quaecumque percipere, exigere, levare, recuperare, locareque et arrendare, ac in communes dicti Collegij, usus, et utilitatem convertere, nec non Monasterium Sancti Angeli et Ecclesiam Sancti Caesarei praedictum in spiritualibus et temporalibus regere, et administrare eiusdem Sancti Caesarei, et ipsius Monasterii Ecclesiis per quoscumque Presbiteros saeculares, vel de Superiorum suorum licentia, cuiusvis Ordinis regulares idoneos inibi iuxta Statuta a Protectore, seu a Rectore dicti Collegij praescribenda ponendos, et amovendos in divinis prout eis videbitur, et eorum arbitrio, sic tamen ut ad aliquod onus, seu servitium in dicta Ecclesia Sancti Caesarei, seu pro illa subeundum, vel praestandum praeterque ad dictam Ecclesiam Sancti Caesarei, illiusque aedificia in debito, et decenti Statu conservandum, ac sarta tecta tenendum minime teneantur, nec ad id cogi, aut compelli valeant, deserviri facere, et Reliquiarum ibidem, pro tempore existentium curam et administrationem perpetuo habere ipsius Sancti Caesarei Diaconi, seu Presbiteri Cardinalis, nec non Superiorum dicti Ordinis et quorumvis aliorum licentia, seu Consensu minime requisitis, neque deinceps dictus Silvester Cardinalis nec quicumque alius, cui dictam Ecclesiam Sancti Caesarei pro denominatione, seu titulo sui Cardinalatus pro tempore assignari contigerit, per se, vel alium, seu alios in Regimine, administratione, et gubernio dictae Ecclesiae Sancti Caesarei, ac illius bonorum, fructuum, reddituum, proventuum, Iurium, actionum, rerum pertinentiarum, Sacrarum Reliquiarum, ornamentorum, et suppellectilium quorumcumque quovis praetextu, colore, vel ingenio sese ingerere, seu intromittere, vel altaria aut quidquam aliud ibidem immutare, aut reliquias ipsas alio transferre, vel aliquam Iurisdictionem et superioritatem, seu Iurisdictionis, seu superioritatis actum in ipsam Ecclesiam Sancti Caesarei, illiusque Presbiteros et ministros pro tempore existentes exercere, sed

tantummodo ipse Diaconus, seu Presbitero Cardinali Sancti Caesarei pro tempore existens ad eandem Ecclesiam Sancti Caesarei in illius festivitatis et Stationis, ac aliis quibuscumque diebus accedere, ac Missis et Vesperis ibi assistere, si ei libuerit, celebrare possit. Praeterea omnes, et quascumque alias uniones de dicta Ecclesia Sancti Caesarei, illiusque Iuribus, rebus, bonis, dependentiis, annexis, et pertinentiis praedictis cuicumque alteri Ecclesiae vel Capitulo, aut Mensae Capitulari, ac vel alias quomodocumque aut qualitercumque forsan factas, ac sub quibuscumque Capitulis, et verborum formis, atque expressionibus conceptas, similiter perpetuo paribus auctoritate, et tenore revocamus, cassamus, annullamus et dissolvimus. Insuper ipsum Collegium, illiusque pro tempore existentes Rectorem, Scholares, Cappellanos, Oeconomos, officiales Ministros, et personas, ac tam Collegii, quam Monasterii et Ecclesiae Sancti Caesarei, aliorumque illis annexorum et membrorum bona mobilia et Immobilia, praesentia et futura cuiuscumque qualitatis, generis et speciei existentia ab omni, et quacumque pro tempore existentium eiusdem Sancti Caesarei Diaconorum, seu Presbiterorum Cardinalium, ac dictae Urbis Gubernatoris, Senatoris, Conservatorum, reformatorum, ac nostri, et Romani Pontificis pro tempore existentis in eadem Urbe, et illius districtu in Spiritualibus Vicarii, nec non causarum Camerae Apostolicae Generalis Auditoris, ac quorumcumque nostrorum, et dictae Sedis de Latere Legatorum, vel Vicelegatorum, ac Archiepiscoporum, Episcoporum, etiam tamquam eiusdem Sedis Delegatorum eorumque locatentium, Vicesgerentium, Vicariorum, officialium, Iudicum nec non Superiorum dicti Ordinis, ac quarumcumque aliarum personarum ubilibet constitutorum, et quavis auctoritate, et dignitate tam Ecclesiastica, quam mundana, etiam Cardinalatus honore fulgentium visitatione, correctione, Iurisdictione, dominio, superioritate, et potestate, nec non annatarum, Quindenniorum Communium minorum, et aliorum Jurium et servitorum dictae Camerae, et quibusvis etiam eiusdem S. R. E. Cardinalibus, et dictae Curiae officialibus, et in annatis, quindenniis communibus, minutis, ac Iuribus praedictis participantium, eorumque Collegijs ratione praedictarum et quarumcumque aliarum unionum, applicationum, et concessionum eidem Collegio, de praedicto, et quibuscumque aliis Monasterijs, Hospitalibus, Ecclesiis, Beneficiis, rebusque, et bonis Ecclesiasticis hactenus, et deinceps quomodolibet debitorum, et tam ipsum Collegium in propriis suis bonis, et rebus praesentibus et futuris, quam illius ratione Rectores, Scholares, Cappellanos, Oeconomos, Officiales et Ministros praedictos, ac cum eis contrahentes a quorumcunque Pedagogorum, Datorum, Vectigalium, gabellarum, angariarum, Bulletinorum, talarum, Custodiarum, taxarum equorum, tam vivorum, quam mortuorum, collectarum, praebendarum, Ponderorum, Portarum, Molendinorum farinae trium pro centenario, ac quatuor Iuliorum pro quolibet vegete vini solvi solitorum, ac quorumcumque aliorum similium, vel dissimilium generum, et gravaminum, tam ordinariorum, quam extraordinariorum et realium, Personalium, et mixtorum quibuscumque nominibus et vocabulis nuncupatorum, etiam hic de necessitate exprimendorum per nos, et quoscumque alios, quavis auctoritate et potestate fungentes et etiam ad instar Cameralium, etiam ratione Ripae, Ripetae, Dohanae terrae et etiam Grasciae nuncupat. Urbis praedictae etiam pro Orthodoxae fidei defensione, et Status S. R. E. conservatione, divinique cultus augmento, nec non Basilicae Principis Apostolorum fabrica, Cruciata Sancta et expeditione contra Infideles et Rebelles, nec non Ecclesiarum, Murorum, Pontium, Viarum et Stradarum constructione et restauratione, Aquarum, fontium et Fluminum deductione, Pauperumque subventionem, nec non Sedis, et Camerae praedictarum necessitatibus, et quibuscumque aliis cogitatis,

inexcogitatis, etiam quantumvis maximis, urgentissimis, et privilegiatis cunctis etiam Sedis et Camerae earundem, ac quarumcumque Provinciarum conducendarum, ac etiam ad dictam Urbem conductorum et in ea existentium, et pro eodem Collegio in magna, sive parva quantitate tam in Barchis, quam in Magazenis et aliis ubilibet emendorum cuiuscumque generis, quantitatis, qualitatis, valoris et speciei fuerint exactione, solemnī praestatione et contributione, nec non quorumcumque aliorum etiam iuxta Concilii Tridentini decreta ubilibet institutorum et instituendorum Collegiorum et Piorum locorum subventionē: auctoritate et tenore praesentis pariter perpetuo eximimus et liberamus, ac sub B. Petri et dictae Sedis, atque nostra, et pro tempore existentis Romani Pontificis protectione, et inviolabili conservatione suscipimus, nobisque et eidem Sedi immediate subiicimus, et exemptionem, liberationem, susceptionem et subiectionem huiusmodi in quocumque foro et Tribunali, ac dicta Camera et respectu cuiuscumque solutionis illi faciendae semper favorabiliter censi debere, et de illis in quacumque causa, lite et controversia ad interpretationem extensivam habendam esse, quae pro alia, quantumvis pia et privilegiata, ac ad pios usus destinata, et applicata causa, fieri posset, declaramus ipsi quoque Collegio, ac illius Rectori, Scholaribus, Cappellanis, Oeconomis, Officialibus, Ministris et Personis, ut omnibus et singulis privilegiis, exemptionibus, libertatibus, Immunitatibus, praerogativis, antelationibus, praeminentiis, concessionibus, Indultis, favoribus, caeterisque gratiis universis tam Spiritualibus, quam temporalibus, quibus alia Collegia, et pia loca in dicta Urbe instituta, illorumque Rectores, Scholares, Cappellani, Oeconomi, Officiales, Ministri et personae de Jure, usu, consuetudine, privilegio, vel aliis quomodolibet utuntur fruuntur, potiuntur et gaudent, ac uti, frui, gaudere possunt, et poterunt, quomodolibet in futurum non solum ad eorum instar, sed aequè principaliter et pariformiter in omnibus, et per omnia uti, frui, potiri et gaudere, nec non tam ipsi, quam eorum Coloni, Arrendatarii, Livellarii, Conductores, et Emphiteutae praedicti vinum, triticum, hordeum, legumina, blada, frumenta et cuiusvis generis fruges et grana ex quibuscumque proprietatibus, possessionibus, et bonis dicti Collegii, illiusque membrorum, et annexorum quorumcumque provenientia de quibuscumque Provinciis, terris, et locis Nobis, et Romanae Ecclesiae mediate, vel immediate subiectis, cuiusvis licentia desuper minime requisita, et absque alicuius pecuniae, vel alterius rei solutione, et praestatione perpetuo faciendā, aut censurae, vel poenae in versu extrahere, aut extrahi facere, ad dictum Collegium, pro illius usu conducere, et etiam illa in dicta Urbe, illiusque districtu, nec non universo Statu Ecclesiastico vendere, distrahere, et de illis ad eorum libitum disponere libere, et licite valeant, eisdem auctoritate, et tenore similiter perpetuo, indulgemus, districtius quoque in virtute S. Obedientiae inhibemus Legatis, Archiepiscopis, Episcopis, et aliis Locorum Ordinariis, Vicelegatis, Locatentibus, Vicariis, Iudicibus, et aliis praedictis, eiusdem S. R. E. Camerario, et dictae Camerae Thesaurario Clericis, Praesidentibus, Commissario nec non Annonae Praefectis, ac Paedagiorum, Datorum, Vectigalium, Gabelarum, Angariarum, Bulletinorum, Decimarum, tearum, taxarum, et aliorum onerum ac subsidiorum praedictorum appaltatoribus, Dohaneriis, Vicedohaneriis, exactoribus, Datiariis, et quibusvis aliis personis, cuiuscumque status, gradus, ordinis, conditionis et praeminentiae existentibus, ac quacumque auctoritate et potestate fungentibus in quorumcumque privilegiorum, Indultorum eis sub quibusvis tenoribus, et formis concessorum et concedendorum, seu etiam Annonae, seu Abundantiae, aut cuiusvis necessitatis, vel quovis alio praetextu Collegium, illiusque Rectorem, Scholares, Cappellanos, Oeconomos et Ministros, ac personas huius-

modi, seu eorum aliquem super praemissis, quomodolibet molestare, perturbare vel inquietare audeant, seu praesumant. Ut autem ipsius Collegij Clementini bono Regimini, gubernio et conservationi opportune consulatur, dictum Petrum Cardinalem, et eo vita functo, alium eiusdem Romanae Ecclesiae Cardinalem, ex nostra familia, aut parentela, vel in eius defectum quemcumque alium ex eiusdem S. R. E. Cardinalibus, quem Praelatus, si adsit, vel Laicus primogenitus de familia, seu Parentela nostra praedicta, vel iis omnibus deficientibus, Rector, et Scholares praedicti, seu eorum maior pars duxerit eligendum, eiusdem Collegij Clementini, illiusque Personarum, rerum, bonorum, Jurium, et privilegiorum, Protectorem, Defensorem et Conservatorem, ac Iudicem Ordinarium, cuius consilio, et ope omnia supradicta et quaecunque alia in eis, et circa ea necessaria, et opportuna statuuntur et ordinantur, sic tamen, ut cum primum aliquis de familia et parentela ad Cardinalatus honorem assumptus fuerit, statim, et eo ipso dicti Collegij Protector fit, et esse censeatur, et alter Cardinalis exterius in Protectorem, ut supra, electus, a munere, et officio Protectoris huiusmodi vacet, constituimus et deputamus, nec non eidem Petro Cardinali, ac pro tempore existenti Protectori Collegij Clementini huiusmodi illius Rectorem, Cappellanos, Oeconomos, Officiales, Advocatos, Procuratores, caeterosque Ministros, pro libero, et absoluto eius voluntatis arbitrio deputandi, et amovendi ac loco amovendorum alios sufficiens, nec non quaecumque statuta, ordinationes, Cappellam et decreta ad eiusdem Collegij Clementini, illiusque personarum, rerum et bonorum spiritualium et temporalium curam, regimen et gubernium, directionem, administrationem, ac Scholarium praedictorum receptionem, admissionem, aetatem, qualitatem, victum, instructionem, disciplinam ac studij cursum pertinentia, licita tamen et honesta, ac Sacris Canonibus dicti Concilij decretis non contraria, quae eo ipso Apostolica auctoritate confirmata, et approbata sint, et esse censeantur, ac ab omnibus, ad quos pro tempore spectabit etiam sub poenis in contravenientes statuendis observari debeant faciendi, ac edendi, et illa quoties pro eorum, et temporum qualitate seu alias expediens videbitur, immutandi, corrigendi, moderandi et etiam alia ex integro condendi et omnes singulasque lites, causas et differentias tam Civiles, quam Criminales et mixtas dictum Collegium Clementinum, illiusque res, et bona, ac personas quomodolibet concernentia, tam active, quam passive etiam contra alia Collegia et pia loca, atque vel magis privilegiata, eorumque res, bona, personas, vel e converso, ac ultro, citraque ad invicem, vel alias quomodolibet motas, et movendas, ac etiam per appellationem, et in quacumque instantia, coram quibusvis Iudicibus introductas, indecisas, ac pendentes, etiam illas ab ipsis Iudicibus avocando per se, vel eius Viceprotectorem, aut alium, seu alios, quos ad hoc duxerit deputandos, etiam summarie simpliciter, et de plano, et sine strepitu, ac figura Iudicij, sed sola facti veritate inspecta, et etiam manu regia, cum omnibus et singulis suis Incidentibus, dependentibus, emergentibus, annexis, et connexis, totoque negotio principali, et privative quoad omnes et singulos alios Iudices Ordinarios et Delegatos, eorumque Curias et Tribunalia Ecclesiastica, vel Saecularia, audiendi, cognoscendi, et fine debito terminandi, nec non quoscumque interesse habentes tam in dicta Curia, quam extra eam, etiam per edictum publicum constituto sibi summarie de non tuto accessu citandi, et quibusvis aliis, eiusdem Curiae Iudicibus, ac personis quibus, et quoties opus fuerit sub sententiis, censuris, et poenis Ecclesiasticis, ac etiam pecuniarijs, de quibus sibi videbitur, inhibendi et in eventum non positionis ad declarationem incursus sententiarum, censurarum, et poenarum huiusmodi procedendi, ac sententias desuper ferendas debitaee executioni demandandi, seu demandari faciendi, contradictores quoslibet et rebelles

per similes sententias, censuras et poenas, aliaque opportuna Iuris, et facti remedia compe-
scendi, ac etiam auxilium brachii saecularis ad hoc invocando, nec non quaecumque dubia, diffi-
cultates, si quae praemissarum occasione quomodolibet oriri contigerit, declarandi, et inter-
pretandi, omniaque et singula in eisdem praemissis, ac circa ea quomodolibet necessaria et
opportuna faciendi, dicendi, gerendi, exercendi, ac exequendi, et omnia quaecumque opportuna
remota, plenam, liberam, et omnimodam facultatem et auctoritatem pariter perpetuo tribui-
mus, et elargimur. Decernentes praesentes literas, ac in eis contenta quaecumque etiam ex eo,
quod Superiores dicti Ordinis, et quicumque alii in praemissis quomodolibet interesse habent-
es, vel habere praetendentes illis non consenserint, et causae, propter quas haec tria facta fue-
runt coram dictae Urbis Vicario, et locorum Ordinariis, et tamquam a Sede Apostolica delegatis,
vel alibi examinatae, verificatae, et iustificatae non fuerint, neque in eis quaecumque solemnita-
tes, et alia de Iure, vel consuetudine, vel privilegio, seu iuxta statuta, ordinationes, et consti-
tutiones urbis et Camerae praedictarum, aut alias quomodolibet requisita, et in similibus neces-
saria intervenerint, seu etiam enormis, et enormissimae laesionis, aut alio quovis praetextu,
seu aliis ex quibusvis causis quantumvis legitimis, et Iuridicis, de subreptionis, vel obreptionis,
aut nullitatis vitio, seu intentionis nostrae, vel quopiam alio defectu notari, impugnari, retrac-
tari, in Ius, vel controversiam vocari, ad terminos Iuris reduci, vel adversus illas quodcum-
que Iuris, vel facti remedium impetrari nullatenus umquam posse neque sub quibusvis similibus,
vel dissimilibus gratiarum, ac unionum, applicationum etiam effectum suum plenarium, et
nondum sortitarum revocationum suspensionibus, limitationibus, aut aliis contrariis disposi-
tionibus per nos, vel alios Romanos Pontifices successores nostros etiam in crastinum assump-
tionis successorum nostrorum ad huiusmodi Apostolatus apicem, sub quibuscumque verborum
expressionibus, et formis etiam motu, et potestatis plenitudine similibus pro tempore factis
comprehendi, sed tamquam pro fundatione, et seu donatione dicti Collegij Clementini ad bo-
narum artium cultum instituti concessas semper ab illis excipi, et quoties, illae emanabunt, to-
ties in pristinum, et eum, in quo antea quomodolibet erant, statum restituta, reposita et plenarie
reintegrata, ad de novo, et sub datum, per Procuratorem, Rectorem, et Scholares pro tempore
existentes praedictos quandocumque eligenda de novo concessa fore, et esse, suumque plena-
rium effectum sortiri et obtinere, nec quemquam ad easdem praesentes literas in Camera
praedicta iuxta Constitutionem piae memoriae Pii Papae Quarti praedecessoris nostri desuper
edita, aut alias quomodolibet praesentandarum insinuandum, et registrari faciendum teneri,
neque illas propterea irritas esse, sed omnino valere, et suffragari, perinde ac si Constitutio
praedicta alia contraria minima emanasset, sed iuxta eandem Constitutionem in dicta Camera
praesentatae, insinuatae, ac registratae fuissent, sicque per quoscumque Iudices Ordinarios et
Delegatos etiam causarum Palatii Apostolici Auditores, ac eiusdem S. R. E. Cardinales etiam
de latere Legatos, sublata eis et eorum cuilibet quavis aliter iudicandi, et interpretandi facul-
tate, et auctoritate, iudicari, et definiri, irritum quoque, et inane si secus super his a quoquam
quavis auctoritate scienter, vel ignoranter contigerit attentari. Quocirca Venerabilibus fratri-
bus nostris Ostiensi et Portuensi Episcopis, ac dilecto filio causarum Camerae Apostolicae
generali Auditori per Apostolica scripta motu simili mandamus, quatenus ipsi, vel duo, aut
unus eorum per se, vel alium, seu alios praesentes literas ubi et quando opus fuerit, ac quoties
pro parte Protectoris, Rectoris, et Collegialium praedictorum, aut aliorum in praemissis inte-
resse habentes fuerint requisiti, solemniter publicantes, eisque in praemissis efficacia defensio-

nis praesidio assistentes faciant auctoritate nostra, easdem praesentes literas, et in eis contenta quaecumque firmiter observari, ac illos praemissis omnibus, et singulis pacifice frui, et gaudere, non permittentes eos desuper per quoscumque quomodolibet indebite molestari.

Contradictores quoslibet rebelles per sententias, censuras, et poenas Ecclesiasticas, aliaque opportuna Juris, et facti remedia appellatione postposita compescendo, legitimisque super his habendis servatis processibus, sententias, censuras, et poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii saecularis. Non obstantibus priori voluntate, ac ordinatione huiusmodi, ac nostra de non tollendo Iure quaesito, ac Lateranensis et aliorum Generalium Conciliorum novissime celebratorum, uniones perpetuas, nisi in Casibus a Iure permissis fieri, et beneficia unius dioecesis cum aliis beneficiis Ecclesiasticis, Collegiis, vel locis alterius dioecesis uniri prohibentium, ac praedicti Pii Praedecessoris de gratiis interesse Camerae praedictae concernentibus intra certum tunc expressum tempus in dicta Camera registrandis ac fael. rec. Bonifacii Papae VIII etiam Praedecessoris nostri, qua cavetur, ne quis extra suam Civitatem, vel dioecesim, nisi in certis exceptis casibus, et in illis ultra unam dietam a fine suae dioecesis ad iudicium evocetur, seu ne Iudices a Sede praedicta deputati extra Civitatem, vel Dioecesibus, in quibus deputati fuerunt contra quoscumque procedere, aut alii, vel aliis vices suas committere quoque modo audeant, seu praesumant, et de duabus dietis in Concilio generali edita, dummodo ultra tres Dietas aliquis auctoritate praesentium ad iudicium non trahatur, aliisque quibusvis Apostolicis, ac in Provincialibus et Synodalibus, Universalibus Conciliis editis specialibus, et generalibus constitutionibus, et Ordinationibus, nec non Camerae Urbis Civitatum, Provinciarum, Locorum, Monasteriorum, et Ordinis praedictorum etiam Iuramento confirmatae, Apostolica, vel quavis firmitate alia roboratis, statutis, et consuetudinibus etiam immemorabilibus, legibus etiam municipalibus, privilegiis quoque, indultis et literis Apostolicis illis, nec non Sancti Caesarei Diacono seu Presbitero Cardinali pro tempore, ac Legatis, Archiepiscopis, Episcopis, Ordinariis, Vicelegatis, loca tenentibus, Vicariis, Officialibus, Iudicibus, Camerario, Governatori, Auditori, Senatori, Conservatoribus, Praesidentibus Ecclesiasticis, Thesaurariis, Commissariis, Appaltatoribus, Dohaneriis, Datarariis, Praefectis, Exactoribus et aliis praedictis, nec non ipsius Monasteriis, et Ordinis Superioribus, Conventibus et d. is filiis Populo Romano, caeterisque personis sub quibuscumque tenoribus, et formis, ac cum quibusvis etiam derogatoriis derogatoriis, aliisque efficacioribus, et insolitis clausulis irritantibus, et aliis decretis in genere, vel in specie per quoscumque Romanos Pontifices praedecessores nostros, ac per Nos, et Sedem huiusmodi etiam motu, ac potestatis plenitudine similibus, et consistorialiter, etiam ad Imperatoris, Regum, Reginarum, Principum instantiam, vel aliorum contemplatione aut intuitu, seu aliis quomodolibet etiam iteratis vicibus, etiam contra exemptos concessis approbatis, et innovatis, etiam si in eis caveatur expresse, quod illis etiam vigore, et implicitae derogationis efficaciores, et insolitas, ac etiam irritantia, et alia decreta sub quacumque verborum expressione in se continentes nullatenus derogari, neque derogatum censi possit nisi illorum tenor de verbo ad verbo nihil penitus omissis, infertus, ac huiusmodi derogationes consistorialiter, ac de eiusdem S. R. E. Cardinalium consilio, ac cum expressione, causarum in huiusmodi privilegiis, et Indultis ac desuper confectis literis expressarum factae, et per trinas literas eundem tenorem in se continentes tribus distinctis vicibus iis, quorum interest, legitime intimatae, ac

insinuatae fuerint, ac tunc demum ipsorum interesse habentium ad id expressus accesserit assensus, et aliter factae derogationes nemini suffragentur.

Quibus omnibus, et si pro illorum sufficienti derogatione de illis eorumque totis tenoribus specialis mentio habenda esset, tenores huiusmodi, ac si de verbo ad verbum insererentur praesentibus pro sufficienter expressis habentes illis alias in suo robore permansuris, hac vice specialiter, et expresse derogamus, ac sufficienter derogatum esse decernimus, contrariis quibuscumque. Aut si Camerario Thesaurario, Clericis, Praesidentibus, Dohaneriis, et aliis praedictis, vel quibusvis communiter et divisim ab eadem fit Sede indultum, quod interdicti, suspendi, vel excommunicari non possint per literas Apostolicas non facientes plenam et expressam, ac de verbo ad verbum de indulto huiusmodi mentionem. Volumus autem quod propter unionem, annexionem et incorporationem huiusmodi dictum Monasterium in spiritualibus non laedatur, et in temporalibus detrimenta non sustineat, sed illius congrue supportentur onera consueta. Nulli ergo omnino hominum liceat hanc paginam nostrae absolutionis, nectionis, Institutionis, donationis, Concessionis, unionis, annexionis, incorporationis, applicationis, assignationis, revocationis, cassationis, annullationis, dissolutionis, exemptionis, liberationis, susceptionis, subiunctionis, declarationis, Indulti, inhibitionis, constitutionis, deputationis, tributionis, elargitionis, mandati, derogationis, decretorum, et voluntatis infringere, vel ei ausu temerario contraire. Si quis etc.

Datum Romae apud S. Marcum Anno Incarn. Dñicae MDCIV. 9 Iulii Pontificatus nostri anno 3. dec.